

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva unutrašnjih poslova, Vlada Zeničko-dobojskog kantona, na 20. sjednici, održanoj dana 08.03.2024. godine, d o n o s i

ZAKLJUČAK

I.

Prima se na znanje informacija o stanju popunjenosti policijskih službenika u Upravi policije Ministarstva unutrašnjih poslova Zeničko-dobojskog kantona.

II.

Zadužuje se Uprava policije Ministarstva unutrašnjih poslova da pokrene proceduru prijema 118 novih policijskih službenika, i to 100 u činu policajac i 18 u činu mlađi inspektor na način i u proceduri propisanoj Zakonom o policijskim službenicima - Prečišćeni tekst („Službene novine Zeničko-dobojskog kantona“, broj: 4/14 i 2/18).

III.

Zaključak stupa na snagu danom donošenja.

Broj: 02-_____/24
Datum, 08.03.2024. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova,
1x a/a.



Broj: 08-02-06/1-_____/24

Dana: 21.02.2024. godine

PREDMET: Informacija o stanju popunjenosti policijskih službenika u Upravi policije
Ministarstva unutrašnjih poslova, dostavlja se,-

Želimo Vas obavijestiti da je posljednji konkurs za prijem policijskih službenika koje je ovo Ministarstvo provelo bio u 2023. godini kada je primljeno 105 (stotinupet) policijskih službenika, od čega 100 (stotinu) u činu policajac i pet u činu mlađi inspektor. Navedena konkursna procedura još uvijek nije okončana jer su odabrani kandidati obavili zdravstveni pregled, a žalbeni rok po istom je još u toku. Nakon zdravstvenog pregleda, potrebno je još da se izvrše sigurnosne provjere koje vrši Državna agencija za istrage i zaštitu (SIP-a), nakon čega se odabrani kandidati upućuju na pohađanje osnovne policijske obuke na Policijskoj akademiji Sarajevo.

Prije ovog, konkurs za prijem policijskih službenika koje je ovo Ministarstvo provelo bio je u 2020. godini kada je primljeno 125 (stotinudvadesetpet) policijskih službenika i to 110 u početnom činu policajac i 15 policijskih službenika u činu mlađi inspektor, s tim da su dva kandidata u činu policajac odustala od potpisivanja ugovora za vrijeme trajanja školovanja na Policijskoj akademiji tako da je ukupno primljeno 123 (stotinudvadesettri) policijska službenika. Od 2020. godine broj policijskih službenika iz Uprave policije kojima je prestao radni odnos po raznim osnovama je 194 i to: u 2020. godini 17 policijskih službenika, 2021. godini 36 policijskih službenika, 2022. godini 58 policijskih službenika, 2023. godini 83 policijskih službenika, i u tekućoj 2024. godini očekuje se prestanak radnog odnosa do 50 policijskih službenika.

S obzirom na starosnu strukturu policijskih službenika Uprave policije očekuje se da će u 2025. i 2026 godini oko 300 policijskih službenika ostvariti pravo na starosnu penziju, jer je 1995. i 1996. godine najveći broj policijskih službenika zasnovao radni odnos

Trenutno je u Upravi policije upražnjeno 275 radnih mjesta sa statusom policijskog službenika, od čega je u početnom činu policajac upražnjeno 145 radnih mjesta i u činu mlađi inspektor 25 radnih mjesta. Od 145 radna mjesta u činu policajac, 100 (stotinu) radnih mjesta će se popuniti odabranim kandidatima sa konkursa iz 2023. godine nakon završene osnovne policijske obuke, tako da 45 (četrdesetpet) radnih mjesta ostaju upražnjena, a preostalih 55 (pedesetpet) radnih mjesta ćemo osloboditi kroz proces internog unapređenja kako bi došli do 100 upražnjenih radnih mjesta koje planiramo raspisati putem javnog konkursa. Napominjemo Vas da su trenutno raspisana dva Interna oglasa za unapređenje u čin stariji policajac, narednik i stariji narednik čime će se još dodatno osloboditi upražnjenih radnih mjesta u činu policajac (najmanje 34 radna mjesta).

S tim u vezi, ovom informacijom želimo ukazati na probleme koji bi se mogli pojaviti ukoliko u kraćem periodu ovo Ministarstvo ne pokrene proceduru prijema novih 118 policijskih službenika, iz sljedećih razloga:

- u Upravi policije je od ukupno sistematizovanih 1235 radnih mjesta sa statusom policijskih službenika, trenutno upražnjeno 275 radnih mjesta policijskih službenika,

- od posljednja dva prijema kako smo ranije naveli u tekstu, broj policijskih službenika kojima je prestao radni odnos po raznim osnovama je 194,

- s obzirom na starosnu strukturu policijskih službenika Uprave policije očekivati je da će broj policijskih službenika koji će ostvariti pravo na odlazak u starosnu penziju iz godine u godinu sve više rasti, posebno u 2025 i 2026. godini kada se očekuje odlazak oko 300 policijskih službenika u starosnu penziju,

- zbog velikog broja nedostatka policijskih službenika u pojedinim policijskim stanicama može doći i do narušavanja bezbjedonosne situacije, posebno ako uzmemo u obzir ukupnu društveno-političku situaciju na teritoriji Bosne i Hercegovine, gdje vrlo lako može doći do narušavanja javnog reda i mira u većem obimu,

- procedura prijema policijskih službenika je prilično kompleksna i dugotrajna, a i pored toga, odabrani kandidati se po okončanju prijema upućuju na osnovnu policijsku obuku koja za čin policajac traje sedam mjeseci, a za čin mlađi inspektor četiri mjeseca. Nakon toga probni period rada za policijske službenike traje 12 mjeseci tako da odabrani kandidati neće biti samostalni za rad nakon prijema, jednu godinu i sedam mjeseci za čin policajac, odnosno jednu godinu i četiri mjeseca za čin mlađi inspektor.

S tim u vezi, smatramo da je ovaj prijedlog opravdan i predlažemo da primite na znanje ovu Informaciju i donesete zaključak kojim bi se odobrilo pokretanje procedure za prijem 118 novih policijskih službenika i to 100 u činu policajac i 18 u činu mlađi inspektor.

S poštovanjem!

Prilog:

- Zaključak Vlade o primanju na znanje Informacije o stanju popunjenosti policijskih službenika u Upravi policije i pokretanju procedure za prijem 118 policijskih službenika,
- Obrazloženje Zaključka i
- Izjava o fiskalnoj procjeni.

S poštovanjem!

DOSTAVLJENO:

1. Naslov x 1
2. a/a x 1

MINISTAR

Emir Vračo